

Dem Angesicht aufflauffen / voll finnen/
Blattern/vnd Kotter beulen werden/den
es heist/Liessen wir vnser giessen/So lies-
sen die flüsse ihr fließen/ Denn die vbrigen
güsse/machen die vbrigen flüsse / machen
auch manchen vngestalt am Leibe/ gemüt
vnd geblüt / Machen auch graw vnd alt/
Blind vnd zum Kinde/Denn das sauffen/
nimpt das gesicht gewaltig hinweck/
Macht auch einen alt geschaffen / der wol
gar jung ist/Zu dem/das schöne Leute/vō
dem vbrigen sauffen / vngestalt vnd heß-
lich werden.

Wer wolte nu nicht sagen vnd bekenn-
nen/das S. Pauli lehr/eine gesunde lehr
sey/dem Leib vnd der Seelen nütze/ Dem
Leib darumb/das man frisch vnd gesundt
bleibe/vnd lang lebe/ Den Temperantia/
Abstinentia/Sobrietas / mēsigkeit vnd
nüchternheit / erlengern das leben des
Menschen vber alle maß / vnd mehr denn
man gleubet / Der Seele aber darumb/
das ein Mensch/der ein nüchtern vnd So-
ber leben führet/ Geschickt ist/GOTTes
wort zu hören/demselben nachzudencken/
sich darin zu vben / vñ im Gebet andechtig
vnd brünstig zu sein/ Vnd also bereit mit
dem Breutgam auff zu sein/ vnd zu gehen/
wenn das geschrey in mitternacht erschäl-
let/Sehet/der Breutgam kömpt / Das
rumb spricht der Herr im heiligen Euan-
gelio/Man solle nüchtern sein vnd wachē/
denn